

黔南類編卷之五

議呈類

議設小甸關堡夫緣由

一為議設堡夫以節省二州民力事據武定府造報
憲綱文冊內開查得本府不通水路原無船隻止
有和曲環州虛仁姜驛四驛各應人夫所當速議
蓋陸路必藉於人夫猶水路必托於舟楫緣照武
定舊為主府非常孔道之衝絕無往來之煩故民
間不知有扛擡夫役之累今日改土設流一切迎
送往來所不容廢勢使然也如每用人夫未免取



足於祿勸和曲二州在二州相去府治各十四五里在二州之民散處各鄉則又遠矣以遠鄉之夫而答應本府固稱不便燕之夷糶之力長於負載而慳於肩挑若本府取夫之票一下輒苦難而却步萬不得已則於富民鄉村募夫代之然必計口而與之工食加倍而與之顧錢然後可以召之使來不然未有所濟者也二州之物力何如何以堪此查得滇南通省答應使客俱用軍夫合無比照此例如自富民至武定約一百二十里相應於道中去處添設一堡自武定至元謀約二百五十里

相應添設二堡七中之夫或以各衛所清出之餘丁充之堡軍應得之糧卽查武定禦餘剩之糧給之如有不足重行二州一縣加之貼補以免夷糶顧募之費庶幾答應不滯而民力不竭矣等因看得該府和曲州止是一里祿勸州止是一里聞祿勸州兵少之後人丁乏絕邑里蕭條荒田蒲望耕耨無人豈有閒民可供役使然自改土設流之後上司多有來徃使客間亦經行起倩人夫勢不容已據該府冊開夷民不習肩挑必徃富民縣出錢顧募加倍與庸此在有錢顧人者則然耳至於窮

民則以身往計往回省城五六日之費則必向人
那借而後得行若遇農忙之時不免舍其穡事而
奔走應役以一甲之夷民任扛擡之重役勞苦萬
狀其情可憐比設流之後二州夷民所爲負累者
此也若非本府勤恤民隱豈能開陳至此據稱自
富民縣至武定約一百二十里相應於適中去處
添設一堡其自武定府至元謀縣約二百五十里
亦應添設二堡但路非孔道本府官員所不經行
或過往士夫間有來往相應暫止爲此劄仰該府
卽於武定富民適中處所添設一堡係何地方

可以度地居民召募若干名可以充用應給月糧
應該幾斗其建立茅劣或動支官錢蓋造與居或
量給官錢令堡夫自行蓋造立堡之後該府而下
議定係何官員方用堡夫平常年分堡夫量穀差
撥至於兩院按臨堡夫撥盡缺人扛擡該府不必
起倩州民卽以本府贓罰虧倩富民縣人夫扛擡
是窮苦夷民雖其身無完衣而亦得鼓腹田里矣
仰作速報呈以憑轉達施行據該府申稱查得武
定自改設流官之後蒙院司憫夷民之凋瘵而上
蠲租之議因歲時之荒凶節施賑貸之恩所以體

恤二州之困苦者無所不至但答應人夫一節以和曲南甸之一里以祿勸法傾之一里富之其所當者又且取足於不善扛擡之夷民誠本司所謂勞苦萬狀其情可憐者今欲添設夫堡似宜即於小甸關度地居之緣此處有山可耕有薪可採正爲武定富民交界適中之地其召募人夫之數若太多則養贍不備太少則答應不前必須以五十名爲率方穀差撥其茅房之費似當量與官錢令之結蓋則欲綢繆戶牖者自當盡力於托身之所其應得月糧每名每月給與六斗仍給沒官田五

畝耕種則朝夕既有所資者自不必庸心爲糊口之計至於立堡之後目府官而下必奉上司差遣領有長單方與答應仍負責令小甸關巡檢司查照原領長單夫數多寡然後撥夫則堡夫之差撥有時而無重困之累往來之使客亦便而無濡滯之患矣至於兩院按臨若堡夫撥盡即以本府縣罰額募富民人夫代爲扛擡如本府減罰不足或令兩州量爲幫貼則困苦夷糴實受蘇息之惠所謂身無完衣亦得鼓腹田里者未必不由於此也等因據此議照建侯置守主於安民興利除害可

以附衆武定設流以來法令寬簡緩稅薄征凡此
夷民頗知歸向唯荅應人夫一節加之以素所未
有之差強以素所不能之役凡此疾苦合與蠲除
亦設堡夫誠爲良策旣經該府稟議前來相應舉
行合候通詳允日行令武定府於小甸關地方相
度地基經畫住址務使有地可耕有薪可採處所
方爲經久仍行六衛摘撥餘丁五十名送道發該
府領房價建立營房支糧領田聽候差遣立堡
之後本府堂上官員公幹至省應得役使其和曲
祿勸二州掌印正官公事至省奉本府堂票差撥
亦准應付其餘應付俱照上司長單不許濫用管
堡官不必另設即行小甸巡司帶管該府仍給印
信卯簿一冊上列堡夫姓名下將每月撥過堡夫
名數填註每月終送府查考如此則夷糶受蘇息
之惠堡夫免差用之繁而本府公出使客往來亦
無濡滯之患矣

議處築城人夫加添工食緣由

一爲懇憐貧苦缺食加賞口糧以便應工再據雲南
左右中前四衛土軍員在武定築城夫李應時等
連名告稱家將應時等撥來武定築城已經一年

不敢違悞每名日給口糧一分五釐若遇陰雨將口糧扣住十止七日時值米價騰貴弗能度日查得築垣本府舊城日給銀二分陰雨不扣得以贍口况應時等並無幫貼全賴口糧充饑伏望比照舊城事例實給二分均霑恩惠萬民仰賴等情據此該本道批據各軍苦告前築舊城每日工銀二分今止一分五釐况又米貴難以度日又陰雨雖不做工但此輩離家遠來無人幫貼不曾帶有盤纏若扣住工食致令饑餓殊非使衆之道仰武定府速議報詳去後據該府申稱卷查本府先築舊城夫役工食先議每名止擬日支銀一分五釐後蒙分巡洱海道蕭僉事駐劄本府憫其勞苦每名日加五釐該銀二分是實今據新築夫役李應時等所告時值米價騰貴乞要比照舊城日支工食二分一節實因歲時荒歉米價騰貴計每日工食一分五釐不敷買米一日之用况自去年六月以至今年六月各處解來夫役不爲不义所告每名每日增銀五釐共銀二分委果相應但陰雨旣不用力則工食似難併支緣雲省雨水多盛於夏秋而慳於春冬且夫役千有六百餘人計口頗多若

於陰雨之日弊支工食不無糜費之累似難准其所請及照原日估計夫匠工食已日定數今每夫每日加增五釐則與先時所計議者不同仍乞議增錢糧以便支給合無候詳次日山示曉諭各工夫役遵照自本月十五日爲始准將新城夫役無論軍民每名日給銀二分如遇陰雨不做工日照舊扣仁口糧事完冊報等因到道據此爲照官府與丁勳衆每名日給飯食銀二分此是通例祇因武定工程浩大用夫甚多爲日亦久若議二分恐費錢糧故止議一分五厘蓋重惜官庫之財而傷

之力有所不暇計也今勞民之力已踰一年官府城垣百物具備凡此營建之績皆其汗血之勞使之食不飽力不足其在仁人君子誠有所不忍也即今年荒米貴每日所給以銀易米不穀一升鹽菜之需無從出辦且扛擡大石自邠至酉方得息肩用力極苦而授食極薄此所以各處人夫未至則苦於赴工既來則不禁其逃也今欲爲召徠維繫之法則每日二分之議似不可緩既經該府查議前來相應俯從但雨下扣除其情可憫十止七日其言不虛據申此地夏秋雨多若不扣除恐多

虛費况今每月加銀一錢五分牽彼補此僅可以無饑而終不能有別處也如蒙俯順民情批行本司再加查議加給則此一千六百人歡聲如雷而趨事赴工之念自沛然其不可禦矣

議處立哨把隘緣由

一爲議設把隘官軍以固防禦事據武定府造報憲綱文冊內開本府原設小甸關乾海子羅摩耳龍街關金沙江普渡河六巡檢司近又新設撒里巡檢司所以詰奸宄而禦暴客未嘗不善然尤有可慮者尚有出於七巡檢司之外姑以險隘之外言

之緣武定界在邊方孤懸一處以西則接會川江科諸州以東則近烏蒙烏撒諸府易動難制自昔懼之中間有渡口七處所謂間道正好宄出沒之地如五曲革渡則通姜州直勒渡則通通安州噴卓渡六圭渡則通七州且得渡撒麻圭渡土色渡則通阿沼寨會里諸州往時鳳繼祖大肆倡獍稽其黨與大半出自七州其所由之捷徑皆從七渡口來也自亂定之後似無他虞但繼祖之妻尚在江外繼祖之子幼且壯矣况今日又遣阿撻二人突來武定窺伺動靜此實狡焉啓釁兼之本地幸

災勾引之徒又時時有焉未可謂太平無事也當此各渡口去處未嘗設一遠邏之卒立一巡邏之軍即有荷戈而來者馳千里若涉無人之境等因該本道看得武定自設流以來

朝廷軫念夷民夏秋稅糧蠲免二年築城設禦以固封守卽今城池堅固官民安堵目前氣象似可無虞然竊聞之善守家者不始於堂與而在於門戶之謹嚴善守國者不止於郊圻而在於四陲之設險今據該府所開逆祖倡亂其黨與多出七州其所由捷徑皆從七渡卽今七渡地界去本府道里

約有若干七渡連絡其延袤約有若干自七渡而來其總會處所係何地方可以建哨戍守摘撥官軍約該若干員名更番巡邏或該按季或每月一更此等方畧該府諒已籌之熟矣隨劄仰府卽將前項事宜從長計處備細開陳務使防禦周密足以杜江外窺伺之念而貽武定萬世之安此兩院司道又安地方至意而亦賢守防微慮遠之長策也呈詳至日卽當轉聞兩院樹此永圖蓋世有謀國之人然後能建經遠之業苟非賢守之公忠其孰與議此也仰查照劄付內事理作速議報去後

據該府甲稱依奉隨差總管鄭韶把事角俸等詳
度地里之遠近及總會之要路復據各役回報查
得七渡地界約去本府四百五十餘里其七渡連
絡如五曲革渡五十里至只勒渡只勒渡五十里
至噴卓渡噴卓渡一百里至六圭渡六圭渡一百
里至旦得渡旦得渡五十里至撒麻圭渡撒麻圭
渡五十里至土色渡此其渡口始於曲革漸遠而
至於土色延袤橫亘約有四百餘里其總會之地
爲松子園亦夷人所居之處由七渡而來松子園
方二百餘里由本府而去松子園亦二百餘里此

正適中去處可以建哨戍守其摘撥武定禦官軍
大約以五十名爲率用千百戶一員領之責令輪
流徃來一月一換每當月之終仍要官軍結報兩
院司道以驗地方有事無事或亦足以備巡邏之
一端也但摘撥官軍於松子園恐夷羅之家不便
歇宿湏立營門一座官廳一間營房二十間庶幾
五十餘人及千百戶等官棲止有地及查巡邏之
軍比之在禦差操勞苦不同或每名加糧一斗以
厚其食庶幾五十餘人樂於趨事此哨旣立則內
之而有私相勾引之徒知譏察之法嚴可以杜其

遠交之念外之而有潛蓄不軌之夷知防守之策
備可以寢其窺伺之心所以貽地方之安而無意
外之虞者亦或由於此矣再照摘撥官軍固所以
備巡邏然恐七渡之地利不熟而遲回岐路無所
適從又恐一帶之夷民相猜而語言不通或生異
議浪擇祿勸舊役通事人等如熟於地利蕪通漢
諸夷之語者七渡七人北照防守各軍之例每月
給與月糧責令日伴各軍往來渡口去處嚴加巡
邏則官軍之與夷羅益將相安於無事矣等因申
詳本道該本道批據議於松子園建哨戍守道里
適均誠爲總會但彼處夷人未知官府建置之意
不免驚疑須令鄭韶用俸等傳示夷民使令無恐
如此建置庶幾防勾引杜外交固內地防守之策
寢外夷窺伺之心但今建立營房有何錢糧堪動
官軍戍守固是一月一更恐日久弊生官偷安不
赴信地軍買閑老弱應名何法稽查得免廢墮軍
人雖有月糧然去家二百里之外野處三十日應
否給月糧一斗七渡七人每月所給月糧幾何官
軍既撤一月一換七人難使經年在營該府用議
表策詳報據該府再議得設立哨軍雖所以爲門

戶之防在近江夷羅亦可以免劫掠之患緣往時
巡邏無人卽江外盜賊時常竊發中間首被害者
卽近渡口之夷也今旣立有戍守之軍則夷民可
恃以無恐而江外之賊亦有所畏而不能肆矣卽
其建置之始在夷羅或不免於私相驚疑若令郟
詔角俸等傳示本司保護地方至意則始而驚疑
者終將釋然而樂從矣其建立營房之費別難請
給近奉明文於變賣沒官田價之內似堪動用至
於日久弊生官偷安不赴信地軍買閑老弱應名
誠有之若稽察此弊或容本府不時差人密加查
訪或許令知因人等赴府首告果有前項情弊在
軍官奪其管事解司懲治在軍人扣除月糧枷號
示衆若能用心捕緝拏獲真正奸細另行呈請重
賞以酬其功或足以警戒官軍而革偷安買閑之
弊也至於各軍戍守松子園去家雖二百里野處
雖三十日然亦尚在武定境內非有從征遠調之
苦且一月卽與更替非有窮年卒歲之勞如當班
五十名之軍前去防守者除應得月糧之外每軍
一名又加糧一斗此其待之未嘗不厚至於七渡
七人不便經年在營或分爲兩班亦如軍人一月

一換凡當上班者每名每月支給五斗以示優養
之意則通事人等既有所資以為食亦無經年在
營之累也况行之一二年官軍之與夷獯相處既
久相得日深則前項通事即可掣回合候詳允之
日行委相應官員估計營房物料工價擇日建置
然後摘撥官軍及時防守通事人等亦准支與月
糧更番巡邏其各員役用心共事者則有賞以示
勸偷怠廢時者則有罰以示戒又於千百戶等官
仍乞紀錄功罪以候考選軍政之年加意旌別則
激勸有機人心思奮其於建哨戍守之意或可行

之於久遠矣等因到道據此隨該本道會同瀾滄
兵備帶管分巡洱海道副使朱議照安內攘外事
貴陌圖定亂伐謀計宜早建即今繼祖之妻尚駐
江外繼祖之子已藏禍心江外盜賊時行劫掠况
遣阿撻二人突至府城窺伺動靜亂本已肇隱禍
寔深即今兩院軫念新郡肇造城池遷移府治計
大丁落成之日所用官帑其費不貲若守邊固圉
之策狀畧不講是崇飾堂輿而踈於門戶之防其
為失計甚矣據今該府覆議前來欲於松子園建
哨堡摘撥官軍在彼巡邏地方緝捕奸細不惟近

江夷羅恃以爲安而武定藩籬茲復彌固矣至於
建立營房之資則有變賣沒官田價堪以動支稽
查官員偷墾則該府利害切身自當密訪軍人月
糧所當議給通事七人分爲兩班區畫周詳無容
再議其軍人在營者每日宜輪流十人同哨守官
至緊關處所用心巡邏如有拏獲真正奸細如阿
撻之類者明立營格官軍通事給與厚賞拏獲勾
引正犯量賞其有防範不嚴致令潛至府城者官
叅究治罪仍將該月俸糧軍人月糧一石扣罰候
給賞後來有功人員如此則賞罰明信勸懲有機
所以安內禦外者庶幾藉此以立防而後來作守
官員能知遠慮時加振飭焉則今日建哨之意固
亦守邊之良策也爲此理合通詳伏乞批行本司
會同武司再加集議凡有未盡事宜從長議詳以
圖經久則本院肇造武定至意蓋善始圖終而所
以奠安一郡者或在此矣

呈添設舖舍緣由

爲添設舖舍以便急遞公文事據武定府造報憲
綱文冊內開查得本府所屬止有三舖由府之東
南三十里至冷村舖此入省會之路由府之西北

六十里至高橋舖此入元謀之路似此舖舍既少而相隔且遠是以一切文移往來動經半月甚非急迺之意也相應度地遠近添設舖舍又查得和曲州至羅次方七十里並無一舖此舖在往時可以無設今本府既駕之瀾滄兵備道洱海分巡道凡一應走迺公文必由羅次直超祿豐方為便捷不然自本府至富民自富民至省自省至安寧祿脹諸舖然後達之祿豐是道路迂迴走迺愈難相應行令羅次地方添設一舖和曲地方添設一舖庶幾可免稽遲公文之患等因該本道看得該府

至富民縣一百二十里止一冷村舖由府之北六十里止一高橋舖誠為駕遠難以走迺相應度地遠近添設舖舍又該府今屬瀾滄兵備分巡洱海道凡地方申報事情必須急遞庶便施行今自富民至省自省至安寧祿脹諸舖然後達之祿豐迂迴數日不免沉滯所擬添設急迺舖二座誠不可緩除票行該府同羅次縣王知縣議報外劄仰該府即查前項應設舖舍處所量地遠近逐一查議每舖約用舖兵幾名將何項錢糧編餉議呈前來以憑轉達兩院添設施行據該府申稱依奉查得

本府東南至三十里止有冷村舖由冷村舖四十里至張家灣合再添一舖府治至和曲州十五里已有州前舖由和曲至羅次縣約七十里並無一舖今議添設誠不可少隨度相應立舖地方如和曲去者昌廠二十五里合立一舖由者昌廠去小營屯二十里合立一舖緣者昌廠卽和曲地方其小營屯卽羅次地方况由羅次而來小營亦止三十五里揆之道路正爲適中又查本府去元謀計一百八十里中間止有高橋一舖尚離本府八十里由高橋去縣又有一百餘里相應於本府與高

橋適中腰營哨地方添設一舖又高橋去煉三坡地方六十里合立一舖此舖四十五里卽抵元謀縣矣以上共計添設四舖每舖合僉舖司一名登記赤厝舖兵二名急遞公文內小營舖隸於羅次縣該本府會同本縣知縣王枋議定所有舖司一名舖兵二名應於該縣均徭內編僉據王知縣議稱羅次縣至祿豐縣亦無舖舍又當於二縣適停處所設立二舖餘四舖俱係本府管轄欲便比照羅次事體編僉人丁應役緣本府二州一縣所管人民多係夷獮原無均徭可編似應召人充當合

無候詳允日每舖召募舖司一名舖兵二名在舖
走迺應支工食就於沒官莊田內每名撥給田八
畝計收租一十二石准作工食令其自種自食再
不必支給官銀其脩建舖舍之費須候委官估計
脩理所用錢糧如小營等舖乞行羅次祿豐縣建
置餘者昌等三舖俱於本府變賣沒官莊田價銀
量行支給委官脩理事完之日造冊繳查等因據
此看得舖舍之設所以遞送公文傳宣

國分申上達下雖兩夜不廢經行自近及遠無時刻
可以滯歇此如人之一身必血脈周流而後體無

痿痺今武定改土為流凡百文移無異內地置郵
傳命埋當速圖據今會議前來相應俯順合候通
詳允日行令該府置立四舖羅次縣兩舖祿豐縣
一舖如此則木府東南西北舖舍畧備傳送不苦
於稽滯血脈貫通體勢日見其崇重矣

呈富民縣補助脩理緣由

一為縣官盡瘁經營財用詘乏查理未完工程欲行
補助事本司駐節富民投視新縣百凡鼎建非百
金可以成功縣官於此已極勞瘁後因祭院將欲
按臨武定貳司同行舊時分司一區已是壞爛將

欲鼎建兩院行臺及貳司分署綠庫無別諸審時
度勢決不可已雖曾申請借處銀一百九十兩營
建今本司親詣兩院行臺及貳分司逐一閱視原
議一百五十金用以脩建貳分司尚且不足竭力
支撐多費區處本官視國事如家事不敢告勞但
本司目擊之餘頗爲心惻隨經牌行該縣卽查行
臺分司未完工程逐一估計備細開呈以憑轉達
再照本縣固百姓之主而城隍又幽明之宗卽今
官民衙舍周廻麟布而棲神之所未備殊爲闕典
又治鼎新固以新民視瞻而四圍牆垣又以鞏

固縣治且有庫藏不宜踈虞巡視縣後牆垣皆一
時草創今就迸裂難以經久今不爲一勞之計後
將重累吾民所據城隍廟及縣周圍墻垣合行併
估俱行該縣會同晉寧州州同唐致和速估回報
去後今據該縣申該知縣鄧宗臣會同州同唐致
和遵奉逐一查估一查理行臺下前後廳堂房舍
俱各完備止月臺甬道未漫磚石一查理分司二
處前後廳堂房舍俱各完備兩脚門小甬路階石
未砌今各估計合用共銀八兩六錢一查理城隍
廟前後殿宇并亭門大門規模雖小已經脩完安

神但欠墻垣并兩廊房舍今估添脩共該銀三十
七兩以上各項計用銀五十五兩六錢及查縣治
周圍墻垣止因土係下濕今已乾定抄聯處有縫
今將土填實用泥塗墾不必再更但看得本縣原
係簡僻今因武定設流雖蒙上司按臨不過爲經
宿之所其行臺公署除前動支修理外今蒙查理
補助再給前項銀兩則工程易集規制齊一實爲
萬便矣等因回報到道據此看得武定向未設流
富民誠爲僻地守巡二道俱不巡歷今成孔道寇
蓋經由行臺分司俱當鼎建但庫藏空竭原無堪

動錢糧卽前議一百五十兩俱係申明借用或有
不給實費處分聞去年遷縣之時本官勞瘁至極
幾乎殞命凡此下情無繇上聞今武定營建蒙上
司措給錢糧府官効勞事已就緒至於富民縣行
臺分司之建實由兩院道經武定故本官忝此末
圖規制鼎新頗是冠冕勞神費力已越三時卽今
未完工程本官未嘗啓口欲祈助給本職周迴歷
覽苟有所尤當以轉聞訪得富民縣每季終開報
兩院贓罰該銀一十五兩一年共該銀六十兩旣
經本官同州同唐致和公同估計該用銀五十五

兩六錢諒非虛冒合候通詳允行令本官將該縣
隆慶四年應報贓罰免行解司准留在縣爲估計
脩理之費工完冊報如此則不必出公家之所有
而造作不患於無資用以惜縣官之精神而才賢
更知所勸勵矣

議加給應朝首領盤纏緣由

一爲俯隣邊方任淺卑官比例加議兩具夫馬事隆
慶四年九月初二日申時蒙巡按劉批據易門縣
中准本縣典史張鳳鸞呈稱卑官任淺滇省遠在
邊陲至於兩具銀兩舊規不動官錢出自本縣處

給今蒙畫革思得途遠費慳實難前進等因蒙批
布政司查報蒙此查得各州縣應朝官員舊規於
應給銀兩外加給俱係科派里甲今議支銷則長
馬兩具等項冊難加派但經歷吏目典史小官選
授邊方頗爲寒苦所給盤纏銀三十兩不足爲顧
賃夫馬之需聞上年多有不能赴京誤開在逃者
夫小官勞苦一生豈忍輕易丟棄耳心在逃實緣
盤纏缺乏欲進不能耳今欲體念小官似宜恤其
困之合候詳允備行各該府州縣仍加背冊長夫
一名工食銀十二兩兩具銀五兩使得少充顧馬

之需前項銀兩俱於里甲預備銀內支給如各官
得受加給銀兩仍有不赴朝

覲致開在逃者移行原籍提解如此則體悉已周可
免路窮之累馳驅有備各堅向往之心本院此舉
不徒全卑官十餘人之前程而遺澤無窮足以垂
後人可久之法矣

議舉人呈請作興緣由

一爲乞賜昭例作興以昭寵遇事隆慶四年九月十
八日申時蒙巡按劉批據臨安府中式生員王高
選呈稱查得先科舉人許鏗王制自叨甲式蒙賜

盤纏之外別有坊牌銀兩高選幸蒙收錄與各際
遇不殊乞查舊規作興庶爲便益等因蒙批布政
司查報蒙此訪得青年許鏗中式之時巡撫都御
史呂先一日曾有夢兆似云今年解元比公高出
一頭是以呂公期其遠大出格作興巡按王因呂
公之言亦出格優待蓋士人有國士之遇亦望舉
人以國士自待其身此非可以循例干請者也舉
人王高選少年尚第青雲萬里眼界須寬脚跟要
定今叨一舉似宜以不在溫飽之王魯自期不
宜舉許鏗王制之前事爲請合候詳允備行臨安府

諭令本生務以遠大為念不得以近利潤心斯本院所以期待之意亦士人發軔之始事也

議著印官員養廉之費緣由

一為俯賜比照夷方官員請給鹽菜事隆慶四年九月初三日申時蒙巡按劉批據和曲州申准署印麗江府照磨趙諤關稱乞照先署印維摩州知州浦仲良中衛知事劉珎支給事規於里甲公費銀內轉達支給養廉等因蒙批布政司查報蒙此卷查先該本司議允土夷衙門如廣南麗江鎮沅沅江順寧永寧等府所屬州縣官員在省聽差委署

別衙門印信者不拘職任崇卑照議日支鹽菜銀八分以養其廉此外但係腹裏衙門官員雖奉委署別衙門印信不許混呈支給亦不得妄受里甲下程通行遵照在卷看得土夷衙門在省聽差委署別衙門印信回應給鹽菜之需以養其廉至於腹裏衙門官員委署別衙門印信如府官則俸祿稍厚可以自給若經歷併縣丞以下小官俸入甚薄柴薪有限今不許其混呈支給又不許其妄受下程立法雖嚴待人不恕何者上智難得中材頗多人情必有為善之資然後可無內顧之慮在上

必有養廉之政然後可懲貪墨之夫今以一方民社之寄付之堪以署印之官止令其啜粟飲水不具鹽菜恐人情所不能堪而矯枉過甚則不及見者或有他出也竊以爲凡係州縣署印官員其每日鹽菜銀均當給賜以養其廉此外如有妄受下程及科索百姓者痛繩以法蓋可以使之沒齒無怨矣合候詳允備行各府州縣今後署印官員俱准給鹽菜銀八分若廣南府知府往別府署印每日支廩給銀一錢其有本府佐貳及首領署掌附郭州縣者不離本衙飲食便易自當混呈支給其

趙諤歷過鹽菜共銀一十九兩不錢於該州里甲公費銀內支給本官收領取領附卷

議激江府遷移府治緣由

一爲遷移府治以固封守以安人心事該本司掌印右布政使陳於十月三十日前往激江府相度地勢咨訪人情隨有鄉官舉人監生生員耆民湯維藩等共知本院軫念地方屬職等遠去經畫衆心欣躍無不感激隨各稟稱舞鳳山係本府鎮山來龍三十餘里蜿蜒起伏結局於此左有金蓮山其下居民五百餘家名曰東街今爲府治右有玉筍

山其下居民四百餘家名曰西街洪武十四年府治草創依傍東街左逼右空形勢不全自國初以來府治凡三遷而未據盛地儒學已兩遷而人材不多蕪之地形卑濕每江水泛漲多被淹浸城內居民亦鮮蓋藏唯舞鳳山居金蓮玉筍二山之中東西相去各五六里兩山環列自北抵南約二十里至江而止中漕大江而江川縣之水自西南方會聚明堂流入巽方注洩海眼正所謂明堂容萬馬水口不容舟也數十年來有善堪輿者皆謂此可以建立府治比因事體重大錢糧缺乏無有能

興是役者若於此築城建府實為萬幸伏乞及早定議以順人心職等隨至本山周回瞻顧背山臨海坐北向南地接高岡風水環抱復履山巔追踪龍脉經行數里果然起伏合式擁護有情循山而下老幼聚觀千人稽首咸謂此舉本院為激人造萬世之業久老子弟從此獲永賴之休等因竊唯建城池者所以固邦本舉大事者在於順人心聞西街居民嘗苦盜賊每至冬月負其橐篋寄頓府城而城牆又卑薄可踰不能自保今新遷府城東西密邇猝有警報可以響應蓋城池一立自然有

虎豹在山之勢矣且本院爲激人建萬世永賴之
基而衆人俱有不日成之之念此可見地利人和
一時輻輳建邦啓土允賴

明時况有本府知府徐可久深得民心經畫曲盡不
煩期月可以奏工合就呈請爲此伏乞早爲會題
施行

呈蘇息武定府夷民緣由

一爲憐恤新郡夷民分豁煩苦差役事案照本道六
月間巡歷武定據知府劉宗寅稟稱舊係土官上
司原不按莊卽今改土設流兩院撫綏邊徼間歲

必行守巡兵備有事地方歲常數至而查盤府縣
各官自有往來所有轎夫打夫之類夷民困苦難
以編派兼且土夷習俗慣於負載不習扛擡本道
已經呈明兩院於小甸關立堡置夫以蘇民困去
後前劉知府鄧同知在省考滿聞知各夷民扛擡
者在此守候度日艱難劉知府鄧同知雖有管顧
不穀喫用且各官雅知恤民民不敢怨後來官員
不知疾苦虐用其民恐夷民感今追昔或有念其
舊者昨本道在武定時聞劉知府曾有此言故急
興設堡之議今欲除民疾苦此須由爲之圖今後

武定府正佐官員至省者小甸關扛擡堡夫送至富民縣富民縣按替送至省城在城堡按替任坐之日照常應付公事畢日回任該堡仍撥夫送至富民縣該縣按替送至小甸堡如此則流官雖設差役不加夷民免於遠役之勞而又得以盡力於農畝合候詳允行富民縣在城堡守為成規遵照咨應此非為優厚武定府官員而實以又安新附夷羅此等下情夷民不敢告府官不敢言而今道既有聞知則隨訪以計安地方也

議查理銀場委官緣由

一為議處駐劄地方以便查理銀場奸弊事奉巡撫曹批據銀場道呈稱礦場奸弊多端及條陳興利革弊數事要得駐劄近礦峒地方便於查訪或專委府佐廉能者一員責令駐劄楚雄等因奉批礦場既遠稽察自難及期人品不齊委任未必皆當隱匿而滿載已歸者固多賠償而庾死于獄者間有不均至此良可痛心據呈具見為國為民至意仰布政司會同按察司從長議報奉此又蒙巡按劉批據本道呈前事蒙批布政司會同按察司查議報奪蒙此行准本司掌印右布政使陳會鞠

察司掌印按察使張議照礦場乃利源所在峒頭
係罔利奸徒一峒一場其父子兄弟盤據於此者
不知幾年矣夫諸色人等衣食於此者多則幾萬
少則幾千百人必分理官以一人臨之雖年力強
壯操守潔清耳目聽明者尚慮管領難周關防不
盡况各官營差之日專在待錢比及到場便失所
守且局量有限知識尋常一爲峒頭籠絡每日所
開窰者任其侵匿昏不得自由矣此分理官之不
足恃也故設總理官覺察之舊時三司首領及各
貳俱得差交此輩一蒙差遣以爲奇遇真有

滿載而歸者此唯礦場之人知之而銀場道駐居
省城孰從知之也近時改委本府掌印官總理差
勝於彼如楚雄大理二府則總於知府是也要之
銀場道以總理托之府官其所期望固爲至重不
知府官坐堂應接不暇豈有精神籌畫礦場或差
人至峒訪緝又增吏卒騙苟至其甚者如每峒用
鍾六七人每人有安鍾銀五十兩拜見者總理官
受此以爲常例峒頭恃此侵匿自如總理官之不
足恃又如此如近日楚雄有同知張大亨大理有
同知楊慶宇才向兩全或免此耳至於專委府佐

一員在於楚雄大理適中處所駐劄專一管理不時剪驗此決不容已不可緩者如楚雄復興洞去年知府張澤定課每日六兩必贓場每日三兩比時朱叅政帶管銀場與鄔布政及本司議張知府之言不足憑也於是議委曲靖府朱同知到場剪驗授以方畧朱同知至必贓場剪驗除以二分七給洞頭義夫外每日報官九十兩復興洞每日報官七十兩張知府嫌其與已太異公行排阻朱同知畏其陷害不敢盡數開報及朱叅政據朱同知所申行府查理張知府停閣兩月公然不報分理

官承望風旨捏申礦衰於是司道不忿其言於劉察院以朱叅政所呈批道行府嚴查提吏張知府方纔警懼委辱通判白輒到場上下撻尋而楊校五千兩之匿出矣此事若非朱叅政委朱同知剪驗非朱同知發其弊端恐五千兩之物半為張澤所有矣此煎驗之在楚雄如此又犍應時委大理石羊場本官到場卽呈衰薄三月不報循環希圖侵匿聞朱大叅委祿勸州知州周冕將到畏懼臨場查出奸弊三次開報二百三十兩而額課一時報完此煎驗官之往大理未及到場而風聲所及

者如此觀此二者可見委官煎驗極爲良法朱大
叅已試之明驗也但貴於委用得人耳今宜於府
佐中妙選公明廉正如楚雄府同知張大亨大理
府同知楊震宇曲靖府同知朱瑤三司首領如都
司經歷陳鳳舞者呈請至住劄處所專一管理煎
驗凡各礦場有一時旺盛許令星夜馳報以憑煎
驗如隱匿不報者煎驗官卽星夜馳去如法煎驗
果係旺盛卽將分理官銅頭人等究問申詳銀場
道處置發落總理官煎驗官如一年之內查理旺
礦增課至一萬兩解至司者本司會同銀場道申

詳兩院除重行優獎外特賜保薦其有至五千兩
者如前優獎候本官考滿之日以賢能保留如或
徇私受賄通同欺隱煎驗官不報而總理官申報
者銀場道訪實輕則更易重則拏問俱以一年爲
期滿日申請銀場道委官交代夫有總理官紀綱
於上旣已約束人心而事有責成有煎驗官以稽
察於中自能灼知盛衰而人難隱蔽總理官知煎
驗官之伺察嚴也則不敢於自用自專煎驗官知
總理官之夾持密也則更思所以自靖自效又馭
之以賞罰之權則勸懲所係榮辱攸關各官於此

必知鼓舞奮發求以自見而於銀場或亦有小補矣再照楚雄大理礦場盤亘千里而覈驗官一手一足之力其勢難周若欲廣其耳目之寄必須開夫告訐之門蓋豪猾游手之徒在場打網索詐財物者其徒實繁也告訐一行許諸色人等皆得赴煎驗官處首告即將本人拘繫在官俟煎驗果實即將所出一日礦銀或五十兩或一百兩即行給賞是官府所捐者少而所獲者甚鉅也如此則用衆人之聰以爲聰用衆人之明以爲明各場各洞無非煎驗官耳目之所及矣至於該道所云駐劄

臨近礦洞地方便於查訪此尤根極體要之論誠爲有見聞昔年銀場道何參政親往楚雄大理礦場一行革弊甚多增課益富今該道若駐劄楚雄府嚴行督責則總理官煎驗官各思奮勵而不敢於怠違分理官洞頭人等俱知戒備而不能大肆欺蔽矣况該道原奉

勅諭有前去駐劄各礦要會之處專管礦場事務等語苟住省城遙制恐終無補合候詳允行銀場道前去楚雄府常川駐劄而煎驗官如楚雄府則委通判署文蔚大理府則委通判潘大壯令各竭力

畢智母負重委候各府掌印官至日則張同知等
皆空閑年馮該道另議呈詳唯復別有定奪合就
呈請

議鄧川州仍用流官知州緣由

一爲懇乞

天恩賜議安民裁革冗員保固地方事議照

朝廷撫有方夏惟在於安民官司保固地方莫先於
置守前此巡撫都御史陳會同黔國公沐巡按御
史田以巡捕土官知州阿榮宗縱賊科虐勢重難
制議將流官同知裁革改設流官知州以重彈壓

土官知州以原職照舊巡捕地方奉題

欽依卽以浪穹縣知縣邢繼先陞本州知州管事
命下之日遠近騰懼民夷稱便唯阿榮宗以每事聽
文官節制不遂已私嘗懷怨望據知州邢繼先揭
稱前巡按御史劉題

請之因原係委官通判周良卿查盤到州有本州儒
學生員張錦等備將添設知州緣由開報內開土
舍阿榮宗聽信虎狼舍把撥置多端措剋百姓用
鞭打鞭腹之刑肆拔髮拔鬚之慘淫亂本族之親
內傷人紀強姦部民之女外辱名門或以拘拏犯人

而抄擄家財或以誑占田地而打死人命或受財而脫放真賊貽害地方或因諱而唆勘指劾枉死良善強占民田千百餘畝一境含冤分布心腹三百餘人百計科害先蒙兵備道郭副使議呈兩院欲比照安寧北勝等處地方添設流官知州事例用科甲出身之人爲彈壓節制之計蒙巡撫都御史孫批待後上官害人違法查議改設後因本道去任阿榮宗百計用解控詞告冤然則據生員張錦等所呈撫臺司道批行則改設流官知州人同此心已非一日前蒙巡按御史劉具奏撫按總鎮

會

題允協輿情覆議詳確聞知州邢繼先蒞任以來民兵冗濫已經裁革常例剝民供已嚴禁逋負錢糧俱已徵完積弊通把已經問遣盜賊逃竄地方頗寧此改設流官之效也合州師生父老皆以

朝廷添設正官爲州民開萬世之利無不慶幸既經各該道及州州勘議明白回報前來相應依擬再照阿榮宗不知守分生事懷奸妄行奏擾上違明旨下逆人心及又主使楊廷瑞等妄詞告擾難以憑信本當重寃念土夷愚昧無知專聽通把阿三

等撥置其情可原伏望會

題將該州流官知州仍選科甲出身者一員掌管印務以杜欺罔通把阿三都嚴行查究庶文物之地得免狼鼠之殘邊民獲安地方未寧矣

覆議澂江廣西二府築城緣由

一為建築邊方郡城以固封守以安人心事奉兩院批據本司呈詳澂江廣西二府築城緣由議照國家守固邊圉設險貴有其地官司保障地方建置貴因其時

明興二百餘年矣澂江廣西二府賊未敢犯今日一

旦同舉大工似乎勞民戶部行查原自有見但以今較昔時異勢殊思患預防貴於先事訪得二府隣近賊巢黨類日繁牛息日盛賊巢內田地瘠薄口食不敷年歲稍豐種蕃植豆尚且不給一遇凶年四散搶掠人財頭畜遍地一空城中居民桴鼓不息此猶抱火厝積薪之下而寢其上也廣西府十餘年來久缺正官士民無主署印佐貳匪圖苟安澂江府雖有正官然未有為百姓建萬年之長策樹不朽之永圖者故不能身任其勞是以虜功未奏查得嵩明州舊時原有土城頽塌不治安餘

之亂土城失守殺掠幾盡賊平之後州民先後具
奏欲行脩建石城曾經兩院覆覈部議允從經今四
十餘年功始就緒蓋因時經夫多文財絀於舉羸
上無當事之人下鮮強幹之吏故耳觀高明州慮
患之心若此其亟則今日二府築城之舉原非好
勞况知府載時雍徐可久目擊時艱不辭勞瘁一
時士民感激奮發歡欣雷動赴工趨事誠如子來
此千載一時也竊意人心不可重違機會不容易
得及時興事所當速圖况戶部勘合所難者慮恐
將解京鹽課贖計輕易借支所以再行咨議今本

司止將本處備邊稅糧及局料發給原不曾動支
京解錢糧揆之事理兩無妨礙節據潞江府呈稱
用工興築業已垂成停止前工人心涵匕廣西府
又稱舊牆已拆新牆未完萬一有警委難捍禦卽
今土墻已完十之七八惟欠磚料工食供應酌處
合無俯念地方邊民准令完築其潞江府雖云改
遷相去一望之地人心稱便請乞會本

題覆施行本司仍一面備行各道催督二府照依原
議於本司備邊稅糧局料銀內動發各府辦料興
工上緊改建完築務在今冬告成不得苟且虛冒

事完各將用過銀兩造冊繳報惟復別有定奪
議應留朝覲官員緣由

近日司道擬議併奉鈞臺尊教開列不謹老疾照
磨縣承訓導驛丞巡檢等官職等連日再加斟酌
內中有受誣而當為辯白有任淺而情可矜憐者
開列上稟伏乞尊裁

開計

不謹官三員

見任和曲州吏目陳經濟元謀縣縣趙玠

前件陳經濟關防不嚴趙玠用刑多過相應革罷

以肅官常據右布政使陳巡歷武定訪聞和曲祿
勸自兵火之後邑里蕭條人煙稀少各官備員於
此淒涼貧窘所不忍聞一官雖有過差似非大壞
所守况夷民十分貧苦就使詐錢無處得來據知
府劉宗寅造報主簿陳厚考語內開入室則家人
交謫出門則輿隸不共此等氣象可為酸鼻陳經
濟趙玠自陝西遠來奔走萬里之外寄身夷糴之
鄉北與雲南內地州縣霄壤殊隔况原無貪污重
大事情實可憫惜且陳經濟於元年十月到任趙
玠於二年五月到任俸薪止穀日食此外決無贏

餘若使失官遠歸一家生命多不可保伏乞鈞裁
陞遷楚雄府鎮南州巡檢呂智

前件據瀾滄兵備副使朱冊開年力未衰勇敢可
使管場而增課報官好名何足爲病守城而登埤
射賊却敵似亦有功又據楚雄府冊開署鹽井而
形同官之短管銀場而邀上官之知妄爭拏賊之
功就見心術之詐職等先據該府考語亦註本官
貪汚字樣及照朱副使耳目極廣公平不私呂智
已經去任考語有此美詞必其平日有當於心故
不恐使其陷屈驟觀該府考語則呂智似是不良

反復細玩其詞更見本官好處夫曰署井而形同
官之短則呂智必有所長也曰管場而邀上官之
知則增課乃其實也兵備道以登埤射賊爲功該
府以妄爭拏賊爲罪卽署井不受常例而以爲形
人之短管場能增課額而以爲邀上之知則妄爭
拏賊之言均爲誣陷之論夫形人之短邀上之知
唯賢士大夫方耻爲之目前郡縣或不能免此也
以此責備呂智誠爲過刻伏乞鈞裁

老疾五員

楚雄府陞任照磨鄭友石拜見任訓導劉大

倫騰越州給由巡檢黃存書雲南縣見任你
甸巡檢李養民趙州定西驛丞秦光

前件各官或年老或重聽均於職守不宜相應革
任致化每聞右布政使陳常云三十八年赴任雲
南行至沅州道中偶因雨下見有途行者十五爲
群扶老携幼行泥淖中其幼穉不能行有遺棄在
五六里之後召前問之其一爲曲靖府張倉官一
爲姚安三窠苟巡檢皆順天人也每員家口有十
五六人憫其途窮時加管顧其幼稚難行者則令
與幼小家人共騎幸各至滇辛酉九月前巡撫蔣

欲造賢否文冊輪召司道面議次及學道語及苟
巡檢司府俱開註平老耳聾陳布政比特備陳苟
某來自北京家口煩衆蒞任二年槩被罷黜恐一
家之無所歸也蔣公惻然於考語內備陳本官苦
情壬戌年考察本官幸得留任任滿給田仍得政
除雲南某倉大使三年罷官回來每念蔣公體恤
至情誠不易得今查照蔣鄭芟訓導劉大倫俱係
耳聾巡檢黃存書李養民俱係年老驛丞秦光老
疾若以苟巡檢例之則各官似在可留之列及查
鄭芟考語曾參議則曰聽德欠聰節愛可取朱兵

備則曰卑官有守重聽何傷原係歲貢出身止因耳疾坐困劉大倫原係教職苦無職業相關此等老窮均應憫惜黃存書於三月之前赴司領文奔走尚健李養民秦光雖係老疾但李養民係陝西涇陽人於三年二月到任秦光廣西宜山人於三年八月到任陝西去此萬里之外廣西宜山人貧可憐李養民到任止於半年秦光未及一年若以衰病罷官惜其勞苦一生驅馳萬里升斗之祿不及兩年間關萬里何以返舍老妻弱子抱痛漣如顛踣流離終滯異域卽今鈞臺起送留滯小官及

故官家口中間固有以貪汙不謹失職亦有不暇致詳因仍填報致令失所者今於去比卑官及故官家口憫其流落俾正首丘推此仁心天地昭鑒卽今見任各官情似可憫職等幸有所見若隱忍不言誠恐其失職之後流離死亡與前無異後日不審何年何月得遇仁明如鈞臺者得津送其枯骸歸葬淺土起送其家口生歸故鄉也至於陞任如鄭菱給由如黃存書者若果老頽在彼處上司諒不放過或更得少延二三年亦施恩於不報之地也冒昧妄言不知進退唯望照察

議脩安南衛盤江河地方道路緣由

一為脩理道路以便行旅事行據貴州安南衛呈准本衛掌印指揮吳顯宗關依奉行委千戶張忠同本司差吏戴宗秀脩路善人戚高帶領石匠蕭廷方前去自北口堡起至本衛南界江西坡止一帶道路逐一踏勘除堪行古道及已新脩平穩外備將水衝崩塌及坡嶺嶮峻壁陡在石絕無階級人馬不能轉足去處逐段丈量估勘有應該挽補者有應該砌石者有應該鑿梯或該改究者計其取石遠近施力難易酌定工價銀數各另分界承脩

內自北口堡起至查城站止應脩道路共二百四十九丈工價不等該銀四十七兩四錢又自查城站起至哈馬彰鋪止應脩道路共三百四十九丈工價不等該銀五十九兩八錢三分及本衛南界江西坡應修二處共五十丈該工價銀六兩以上三項通共應脩險路六百四十八丈共該工價銀一百一十三兩二錢三分除將先發來銀十兩給石匠蕭廷方等收領於八月二十六日興工等因開欵造冊呈報到司據此案照先該本司右布政使陳尅任經過彼地看得貴州以西威清平壩等

衛俱有官員善信人等發心捨財修砌道路人馬通行頗稱穩便惟關索嶺以西北口堡安莊哨安籠箐象鼻嶺蛇倒退各山路每行一處觸目傷心或高坡亂石萬坎千坑或峭壁峻層絕無階級轎夫直上儘力支持殊覺困憊轎中之人左右擊撞勞煩不堪雖有健馬傴僂而上汗喘可憐窮民負擔數步一息艱阻殊甚前項地方東至安莊衛西至安南衛相離頗遠住居軍民皆窮簷矮屋日食不敷豈有餘力能去修路據站戶堡夫等告稱崩壞者惟用填砌衝坍者須得補修無階級者今當

燒石鑿梯難折者可以別改旁曲庶人馬脫勞藉災誠萬世末賴之利等情本司目擊哈馬彰鋪潘家莊山路八十餘丈人馬難行捐資六兩給發該衛先行修理仍令備勘其餘應修工程費用呈報以憑轉請軍門裁示續據將前項工程修完并將歷修去處勘報前來該右布政使陳又捐俸銀十兩差本司吏戴宗秀齎領銀文給發安南衛又指揮一面將緊要去處興工修理仍俟會同再行備估去後今隄通行早起前因為照前項地方並非

備貴州然在該省視為西鄙在雲南則為通行修

路之舉在貴州視爲緩圖在雲南則爲盛舉而自國初以來無有能興是役者凡此善緣必有所待也

今幸軍門撫綏萬里通道夷蠻邊徼之外正議開疆門庭之路所常脩治既經勘估見在興工所有不敷工費似應議給合無候呈詳允示於本司濟用庫課程銀內動支一百兩差人給發安南衛掌印指揮吳顯宗會同查城坐鎮指揮李長年查照原估銀同本司吏戴宗秀善人戚高給散督脩戴宗秀戚高仍在彼住守往來查督期以三箇月完工每人日給口糧銀二分就於前項銀內支給工

完該衛將脩過道路丈尺用過銀兩數目造冊繳報工匠人等各要修砌堅實砌過界止細書各匠姓名二年之內如有崩塌仍責各匠補砌如有虛冒遲延等弊聽各官徑自追究處治各官果能不負委托提調有方工畢未久本司呈請獎賞仍行撫按司道一體禮待若係虛應故事冒費錢糧則責有攸歸罪自難逭如此則雖一時用百金之費實爲萬世不朽之名而今而後往者來者仰荷鈞臺功德於不朽矣

議復臨元叅將緣由

一爲地方因事積思輒深愚陋以圖少效涓埃事隆
慶四年四月十一日奉巡撫陳系驗准兵部咨該
山東道御史劉題稱裁革臨安參將緣由該兵部
覆議將見任參將袁癩革回原衛聽候別用題奉
欽依案行到司通行遵照去後今據參將袁癩呈稱
原領

勅書符驗旗牌請乞批行臨安兵備道查委官員領
齋赴京

等因奉批臨安參將之設久經由諸撫按司道
爲行建議重覆曾勘人心公論攸歸遐方重務攸

寄原匪一時之私籌一人之偏見也今以競禮之
小嫌而遽廢安邦之大計是徒恣行胸臆而不顧
慮邊疆也詎非不揣其本而惟齊其末乎事體關
係此豈細故仰而政司卽會同各司道集議要見
原設與今革孰爲地方利害速報詳奪以憑會
題施行此繳奉此看得地方興革事情凡出於一人
之臆見者其心必有所爲唯撫按司道會議而行
者方爲天下之公言凡出於一時之建議者其言
固非無因唯撫按司道屢請不已者真切地方之
至計臨元參將之設若建議或始於一人利害不

關於一省即今參將之裁革不係地方之安危職等何敢妄行胸臆固執成議哉自聞裁革參將以來地方洵七皆謂失策事關大計所當直言卷查先准兵部咨為權設參將官員分守重地以靖邊圉事該前任巡撫雲南都御史顧題稱臨安石屏岷峨蒙自等處夷民專事劫掠守備權輕必須設一武職重臣授以

璽書行事誠久安長治之計等因題奉

欽依該兵部議得守備止堪防禦行兵委係掣肘改設參將誠於地方有益但未經勘議遽難輕擬移行接管巡撫都御史會同鎮巡三司守巡等官集議明白會

奏等因就經行據雲南都布按三司掌印守巡兵備等官集議詳報隨該巡撫都御史鮑會同總兵官都督僉事沐巡按御史趙議得臨安府所屬州縣接連窮徼添設守備一員事權甚輕玩愒廢時地方無益所擬改設參將委不容緩會本具

題言極剴切未經議覆後該巡撫都御史呂巡按御史劉

題稱臨安府外接交南內多獐獠依險逞兇叛亂屢

興南類編卷五
四三
作應該設立叅將足食練兵嚴爲防禦考之先今
而議無不同揆之事體而勢不容已乞

勅下該部再加詳議上

請將原設臨元守備革去掄選謀勇叅將一員領

勅分守臨元等處地方無事則訓練軍旅有警則相
機剿捕庶幾外無猾夏之憂內無偏重之慮等因
該兵部覆議臨元守備取回別用添設叅將一員

題奉

欽依欽遵訖今奉前因該本司掌印左布政使鄔右
布政使陳會同按都二司守巡兵備等道議照地

方利害必久於閱歷者然後能處置之得宜必素
負忠貞者然後能擬議之曲盡都御史顧昫任撫
臺見聞必審都御史呂慷慨任事義不顧身其所
議設立叅將彈壓地方中間必有深意彼時司道
之集議要皆石畫之嘉謀此非一人之私見有所
爲而爲者也老臣憂國每防患於未然部議周詳
自不遺於遐遠世歷三紀屢勦乃行

朝廷分閩治戎其不輕於舉動如此又况臨安一道
內而土賊則有僕喇犴雞丁苴白改等類抄掠爲
生外面土酋則接連廣西廣南元江鎮沅等府頗

難馴擾蒙

朝廷設立叅將假以

旗牌體統既尊事權自重諸夷震攝邊圉稍寧邇者
乃愛擁兵攻劫納樓等寨遣兵督責退聽款降臨
安連歲荒歉斗米值銀二錢各夷阻饑不敢流劫
是皆仰仗

國家之威靈有以潛消而默奪而叅將驅馳經書之
力不可少也夫先臣設立叅將之議既如彼叅將
爲地方倚賴又如此說者以爲內消專輒之患外
收捍禦之功爲邊疆久安長治之計莫先於此建

議者乃稱有將無兵視爲贅員不知省六衛遠戍
之班軍而選募儂兵之勇悍及今以時訓練業有
成緒人心係屬官非贅員及查叅將之設衙門仍
守備之舊而別無更置供應有議定之規而外無
派征迺今信讒邪之口拂輿論之公聽爭禮之小
嫌忽地方之大計竊以爲舛也矧有司禮節裁議
已定彼此相安若謂叅將委應裁革則宜於按流
之日公同集議會

奏何待去滇二年之後獨肆其臆說哉誠於衆論有
所不聽也至於內開蔗江襲替事情節有明例在

黔南類編卷五
今撫按自能查照題

請伏候處分似無煩於陳說據議於上官襲職則欲免其赴京於臨元參將則輕議裁革何不以愛麗江土酋之心而推及於臨元之赤子也緣係關係地方利害理合會議呈詳伏乞本院再加裁酌早賜會

題將臨元參將照舊其新除守備聽候改用見任參將袁癘暫令供職候

旨庶使人心有所恃以爲安外夷有所制而不擾所以消隱患固邊圉者端在是矣

議處協濟貴州驛傳緣由

一爲議處邊方驛傳事宜以蘇極累事奉巡撫陳案驗准兵部咨該本部題該巡按貴州御史王顯條陳內一款增協濟以聯唇齒欲行令雲貴兩省撫按公心協議從長計處雲南每歲協濟貴州銀三千兩酌量驛站疲敝分數一體增給庶貴無匱乏之憂則雲南無梗道之慮等因該兵部覆奉

欽依備咨案仰本司卽會各司道將貴州所議加添協濟銀兩從長計議通詳施行奉此行關又據經歷司呈抄蒙巡按雲南御史劉案驗奉都察院巡

按雲南三千八百七十三號勘合劄付准兵部咨
爲計處貴州軍伍以安地方事該巡撫貴州都御
史今陞大理寺卿趙題條陳內一款議增協濟以
蘇積困先年議於雲南布政司每歲協濟貴州驛
傳銀一千五百兩朝

覲之年加銀五百兩已成定規欲乞行令雲南每歲
協濟銀二千五百兩朝

覲之年加銀五百兩在雲南不爲甚損於貴州亦爲
少濟等因隨該本部覆奉

欽依每歲將原議銀二千五百兩朝

覲之年加銀五百兩協濟貴州驛傳之用如果別有
窒礙亦要明白聲說備案行司蒙此看得實書二
省輔車相倚彼此血脉尤宜貫通即今貴州軍伍
之疲敝實緣差役之浩繁而差役之浩繁多因驛
傳之爲累職等每由上下六衛亦切動心都御史
趙目覲時艱乃不得已而有此議兵部覆議行雲
南布政司每歲加銀二千五百兩朝

覲之年加銀五百兩協濟貴州驛傳之用內開如果
別有窒礙亦要明白聲說具奏定奪是常事諸臣
所以爲貴州計者甚急而又爲雲南慮者甚遠也

中間窒礙事情職等不敢隱默卷查嘉靖八年該
貴州巡按御史施題稱貴州驛站艱難乞要雲南
津貼勘處未報至嘉靖二十六年該貴州巡按蕭
御史題前因兵部議稱事在彼中難以遽議必
須會勘允當庶或經久可行通行撫按衙門轉行
本司會同都按二司議得在庫一應錢糧自有常
額每年各項支費亦有定規原無盈餘可以別用
所據協濟似難輕議但貴州自嘉靖八年以來節
經題
請而本司兩奉勘合相應酌處凡遇朝

覲之年協濟銀一千兩其餘年分不必協濟後蒙雲

南撫按會

題備奉

欽依遵行已又嘉靖三十一年七月奉撫按衙門案
驗准兵部咨該貴州撫按衙門題稱驛迺疲憊乞
要每遇朝

覲會試之年行令雲南幫銀三千兩又該兵部議事
關兩省難以遙定必須通行雲貴撫按虛心會議
務求經久可行等因題奉

欽依備案行司會同二司議照雲南選除官員兵部

例給關文必經貴州地方自開設至今並無協濟
况本省錢糧自嘉靖三十年二月以來

欽取解京三分之二及元江兵事庫藏空虛自顧亦
且不暇但貴州兵荒相仍委實支應不敷通融議
處每年協助銀一千五百兩若遇朝

覲會試之年加銀五百兩此不爲常例候地方平靜
之日仍行停止等因嘉靖三十二年八月又奉撫
按衙門案驗准兵部咨該雲貴撫按會題每遇朝
覲會試之年雲南動支協濟銀二千兩常年動支一
千五百兩相應依擬等因題奉

欽依遵行至今隆慶三年十二月奉撫按衙門案驗
准兵部咨該貴州撫按題稱前因該本司掌印左
布政使鄔右布政使陳會同按都二司議照貴州
通則雲南通安貴州所以安雲南都御史趙所云
誠爲有見若使雲南如三十二年以前府庫充實
民物豐舒即每歲協濟貴州銀三千兩於雲南誠
不爲損於貴州實爲少濟但自嘉靖四十一年至
今用兵東川征剿鳳賊庫藏空虛所積無幾雖有
鹽課礦課俱係解京擅難動支若別項錢糧歲有
額數原無贏餘堪以增濟卽今每年協濟貴州二

千兩皆係動支庫貯備邊銀兩而此項銀兩乃各府州縣會計一年官吏師生孤老俸糧之贏餘解貯本司而各衛所各哨堡月糧之缺乏則動此銀以給發向來雲南之田賦不增郡縣之廩餼有數而各軍缺乏之月糧又一時不可缺者今動此銀二千兩協助貴州驛傳亦是彼此通融共濟時艱之意原非庫有盈餘中間甚費區處若地方狎遇有事百凡軍旅之費皆用此銀瞻前顧後不敢輕用况今雲南撫按衙門非係公差員役應得勘合憲牌者不肯妄給而貴州查非真正人員不肯掛號應付則今驛傳應付之數比於曩時原無加添又貴州下六衛西四衛馳驅驛傳者不專係雲南人員而雲南西路需益炎方等驛夫馬狼狽支應不敷亦費區處無人協濟但雲南每遇朝

覲會試之年官員舉人經過比之常年稍多都御史趙御史王既有前議相應於朝

覲會試之年每年再加銀五百兩庶貴州得以少濟而雲南亦易措處其餘年分照舊協助銀一千五百兩未為定規及今貴州驛傳道差吏齎文守取前銀合無將舊議朝

親之年銀二千兩動支一百差人同原來吏押發該道收給各該驛站取回文附照其見議加增銀兩候本院會

題明文至日施行惟復別有定奪

呈豁面松軍伍緣由

一為清理軍伍事據昆陽州申奉本司批查得冊開面榮係本州人宣德十年間發遣南京鷹揚衛種戶所軍故後將伊男面廣解補成化十一年內故絕發單清勾弘治十年十二月內該清軍官員勘得本軍丁盡戶絕無人頂補責併里老溫佑等出

備銀兩買到雲南前衛後所百戶沈欽下三分餘丁張成改名面成到州申奉巡按御史徐明文照例將面成并妻陳氏滿姐於弘治十一年九月內批差老人溫佑解赴雲南左衛右所百戶畢剛下軍收伍在逃嘉靖十三年十一月十六日清出張仲學改名面仲學仍解本衛差操三十一年內蒙委官清軍麓江府同知賈璋造冊呈奉巡按御史趙批面仲學係京軍仰州起解備行該衛將面仲學并妻洪氏押發到州起解鷹揚衛取獲收管併單繳報訖三十三年二月初一日本軍逃回又蒙

清勾查得面仲學在家病故清出伊男張松改名
 面松拘妻耳氏於隆慶元年二月內差伊兄面邵
 保面咬住鮮伍去後不料本軍逃回該本州清軍
 同知沈恩清出到州具出申詳去後據前因及杏
 面榮原係宣德年間充發止有一子面廣補役故
 絕至今百十餘年充發來歷緣由文卷遠年無憑
 稽查其面松祖張成果係先年買補解頂面廣軍
 伍其面邵保面咬住俱係張姓並不係面家宗族
 枝派况張姓止有張仲武一人亦已故絕屢經查
 勘相同今將本軍宗圖合就申報等因據此卷查

隆慶三年十二月內據該州申稱先年責差面
 邵保面咬住押解軍犯面松看伍因係一家中途
 稱病脫逃今欲四鄉編僉殷實長解二名同面邵
 保領解隨該本司批面邵保固不可令伊起解若
 云各鄉編僉殷實二名所議良是但不知該州如
 何編僉方不擾民恐殷實人戶俱不樂為此也仰
 州悉心議詳本年二月初一日該州申稱解軍苦
 役四鄉人戶俱不樂為緣面邵保先次押解既已
 虛費今四鄉里長不得已議處長解情願量貼額
 募及照面松本軍原係四鄉買補等情該本司批

據申議處長解二名四鄉量貼額募此議甚便庶
不偏累但申文所云面松原係四鄉買補伊叔係
張仲武云云然則面松原係張姓也先時四鄉不
知緣何買補若以張姓買補面仲學軍伍豈面家
丁盡戶絕乎仰州細查報奪本月二十四日該州
申稱面松祖張成原因家貧接受四鄉出備銀八
十兩願頂前軍改名面成解配頂面廣身役其面
廣係隻身委的丁盡戶絕等因該本司批看得面
榮充發爲軍伊男面廣在伍故絕該衛發單清勾
自當照例申豁彼時該州清軍官不諳事例比併

解伍而四鄉里老刑逼無奈只得贖銀買張成改
名面成頂解補伍後面成已故該州將張仲學補
解其費不貲隆慶元年又將張松解配竟成空徃
是先年買補之見一差而遂遺四鄉無窮之累矣
所據面廣故後係是丁盡戶絕即今面邵保係本
宗何房子孫該州叙其宗圖查向榮爲事充發年
月詳報今據前因查得軍政條例內一款司府州
縣凡奉到軍單查係宣德四年以後弘治十八年
以前逃故軍士在營無丁原籍又係丁盡戶絕務
要經勘五次以上然後准送清軍御史審貫無弊

隸本省者徑行住勾各省者差人齎送清軍御史轉發查照住勾仍將住勾過緣由轉行州縣給帖該圖里老承爲執照各州縣亦將住勾車戶另造冊首以備稽查等因欽此着得文軍面祭係昆陽州人宣德十年間發南京鷹揚備軍面廣補伍於成化十一年故絕至弘治十年清理軍伍無人頂補責併里老溫佑等出備銀兩買到雲南前衛後所百戶沈欽下三分餘丁張成改名而成到州起解補伍後面成在逃將伊男張仲學改名面仲學起解鷹揚衛補伍三十三年在逃回家病故隆慶

元年清出伊男張松改名而松起解逃回卽今孥獲議僉長解二名起解補伍切詳面廣若非丁盡戶絕則四鄉里老豈肯出備銀兩買張成頂補軍伍張成因接受銀八十兩致將父子孫三世爲面家求遠頂軍且每次起解累害四鄉里老幫貼盤費又聞科派四鄉窮民煩苦不堪於鷹揚衛無分毫禦侮之能在昆揚州已不勝其追呼騷擾之害矣况成化十一年已該住勾人數至今尚爾擾害不休皆弘治十一年清軍官之遺害也及今不爲住勾則張家之受害何極且一州之赤丁何辜合

候詳允行昆陽州查照條例轉行鷹揚衛該管官
旗將而廣軍戶住勾仍給帖該圖里老未爲執照
庶張成子子孫孫獲免遠戍之苦而昆陽四鄉黎
庶永無貼解之憂矣今將該州申復事情併張成
宗圖開列呈覽

議馬龍州仍屬曲靖府補知四馬屬武定府緣由
一爲議處府治事宜以重邊鎮以圖久安事隆慶五
年三月初一日奉巡撫曹批據尋甸府申准本府
知府鄭佶關稱本府原係上官衙門舊屬有嵩明
馬龍二州止轄七里又界在武定東川霑益等府

州之間近奉撫院屢行司道查復四馬建立一縣
蓋欲爲一方久安長治之策合無將馬龍一州補
知四馬復歸本府以安一方等因奉批仰布政司
議報奉此又蒙巡按劉批據本府呈前事蒙批布
政司會同按都二司確議通詳繳蒙此行據武定
府申稱查得別卷先爲乞憐照舊統屬以蘇民困
事奉守巡安普道劄案奉巡撫呂批據二府夷民
阿透等告訢行道會委曲靖府通判高大經臨安
府通判胡文顯回稱遵依前去尋甸武定二府適
中地方會同二府掌印知府劉宗寅同知鄧世彥

通判胡應昌審得祿勸州補知他額絞擺五龍四馬火頭阿遮等并夷民者把等執稱四馬地方世屬定武迺年認納祿勸州糧差雖與尋甸結親並未割陪地方今若屬尋甸終是不服等情又審得尋甸州各馬火頭張鵬程等執稱先年武定土官鳳英嫁女尋甸將四馬陪嫁及查尋甸府申文尋甸嫁女武定將四馬為粧奩之資是其官民之言已自矛盾且無憑據各職查勘得四馬地方自國初以來委係世屬武定府祿勸州管轄迺年輸納糧差不缺見有府堂景泰年間碑刻四至界址可

証止因嘉靖四十五年七月內逆賊鳳繼祖叛亂逃遁江外而四馬人等原係黨惡驚疑不定袁叅將等官恐其奔附逆賊於是曉諭但有招安四馬夷民擒獲逆祖者即許管理其地誠濟變之機彌亂之術法至善也隨有尋甸各馬火頭楊輝等領兵招安四馬把截道路遂令管領後逆祖為張順所殺四馬火頭阿遮等俱各歸順續蒙司道議呈奉前軍門尚書呂鈞示曉諭四馬人民歸徯武定辦納糧差不許聽信訛言致生奸疑行附遵照在卷但查該府向未移文知會尋甸府以致妄爭前

地今稽諸往籍揆之民情猪街子倘甸二處正兩
府交界之地先年議要建縣治立巡司誠爲要圖
目今不可一日無人防禦請於猪街子倘甸各建
立一哨禁制二府人民不許過界互相爭殺速將
河外補知他額絞擺五龍四馬地方夷民照舊歸
屬武定府祿勸州管轄等因到道會議通呈奉撫
按衙門詳文劄案行府院諭四馬人等通行遵照
在卷等因申報前來又據曲靖府申卷查嘉靖四
十三年內奉分守安普道議將馬龍州改隸尋甸
府該州土民不從告蒙巡按王批行議報該本府

看得曲靖府設居一省襟喉之地東與貴州烏蒙
連境西與四川東川接壤密邇諸夷最爲重地其
所屬霑益羅雄二州亦佐一縣俱是夷民統以上
官雖設流官徒擁虛位惟陸涼州較之二州稍優
然衙門亦在夷地且無城郭其南寧一縣路當衝
繁素稱疲邑本府所恃以爲調遣謗持者惟馬龍
一州而已且此州設在通衢與本府止隔五十餘
里東足以控制諸夷西足以藩屏曲靖今若改屬
尋甸則本府孤懸無所倚藉况尋甸府與馬龍州
相隔一百四十餘里遙制爲難軍民賦役之供軍

餉之給計凡不便其馬龍在尋甸所居似輕在曲靖所係甚重及照該州改屬綠由事經年遠無文可攷成規旣久版籍已定且係干地方重計及行該州查議士民俱不樂從且又揆諸人情要諸事勢遽難更改合無俯從照舊統屬等因到司該本司掌印左布政使陳會同按都二司掌印副使劉署都指揮僉事楊議照馬龍州乃曲靖府藩籬國初創制建州編戶版籍已定鄭知府以舊封為言欲屬尋甸若使馬龍可復尋甸則二百年來賢守頗多宜申前議然勢不可復竟無如何泥古而不

通今此非善通時變者也至於武定補知等四馬原屬祿勸州該府公署牌文俱可攷證祇因近年鳳賊叛亂四馬脅從行令尋甸各馬招安以分賊勢彼時暫許管束不過一時權宜之術已而逆酋授首四馬旋行告示仍屬武定辦納差糧揆之事體人情難以搖動今鄭知府輕聽火頭張鵬程之言欲管束四馬以為利不知夷民世屬武定今使改屬尋甸雖死不從興兵構怨禍變不小夫兵端宜弭而不宜興夷情宜順而不宜逆鄭知府欲得四馬以為捍禦之防而不知二府火頭彼此構兵

適以召無窮之禍所據改馬龍復四馬均屬窒礙
係干題 請難准施行及照該府所申境內夷賊
出沒要於多郎塊曼普渡河馬溪關乞曲初圖天
生橋三江八岔等哨量撥官兵防守一節委於地
方有裨相應依擬合無候呈詳允備行曲靖兵備
守巡安普洱海道轉行曲靖武定二府遵照將馬
龍州與補知等四馬地方照舊仍屬二府管轄尋
甸府不得再行申擾其多郎等哨量撥官兵事宜
聽兵備該道查明酌處徑自通詳施行

黔南類編卷之五終